

262 Die zwanzigste Predigt vber das

le zu zeugen anruffen können/ wie hier Booschet. Darumb es auch löblich ist/ das bey öffentlichen verlobnüssen Ehrliche Personen zusammen kommen/ aus beyderley theyl Freundschaft/ als zeugen solcher handlung: ist auch nützlich das solche Ehe nicht durch heimliche trawung in Heusern/ sondern durch öffentlichen Kirchgang in gegenwart der H. Dreysaltigkeit/ vnd der Christlichen gemein/ bestetigt vnd volzogen werde. Das ist eines so vns Boos mit seinem Exempel geleret.

Zeugnüs
ist oft von
nöten.

Prov. 12.

Deut. 19.

Num. 35.

Iohan. 8.

II. In dem Boos sich auff das zeugnüs des ganzen Raths vnd des andern Volcks/ berufft/ dieselben sprechen auch/ sie wollen zeugen sein / weiset vns Gott der H. Geist / das es recht vnd billich sey/ auch hoch nothwendig/ in schweren sachen zeugen an zu geben/ das es auch billich sey/ das ein ehrlicher Man/ der vmb die sache weiß zum Zeugen sich gebrauchen lasse / vnd wie er sein zeugnüs anstellen solle. Denn gleich wie der Endt an Streitigen sachen das ende macht/ also wird die warheit im schwebendes streit/ durch zeugnüs eröffnet/ wie König Salomon sagt/ Prov. 12. Ein Zeuge/ der Barhaftig ist/ saget frey/ was recht ist / nur allein das man eines Zeugen aussage nicht allein trawe/ denn es sol kein einzel Zeuge wieder jemand auftreten/ vber irgend einer Missethat oder Sünde/ es sey welcherley Sünde es sey/ die man thun kan/ sondern in dem Munde zweyer oder dreyer Zeugen / sol die sache bestehen/ spricht der H. ERN Deut. 19. Vnd aber mahl Num. 35. Den Todschläger sol man tödten / nach dem Mund zweyer oder dreyer Zeugen. Ein Zeuge sol nicht antworten vber eine Seele zum Tode/ welches auch der Sohn GOTTES approbiret Johan. 8. Darumb auch Boos hier das ganze Volck zu Zeugen anrufft/ darff sich derwegen keiner beschweren/ der zum Zeugen angeruffen wirdt/ zu saen/ was ihm von der sachen bewust ist / denn ein Zeuge thut nach Gottes Ordnung vnd Befehl / der da wil/ das schwere sachen mit verhör der Zeugen soilen erörtert werden: ein Zeuge bestetiget die Wahrheit/ welche alle Menschen/ vor ihr theil sollen befördern

helffen/